

卷六 頭痛 頭風 小總論 頭搖 小總論 眉眶骨痛 小總論

頸項痛 入方 方脈雷頭風 方 方脈頭眩暈 入方 方脈大頭 入方

入方脈面熱痛 賢髮病 入方 頭瘡 兒 方脈頰車病 入方 兒科目 入方

入方兒科耳 方兒科鼻 入方兒科唇口 入方 方脈目病 入方 方脈耳 入方

方脈鼻 入方 兒科舌 方 喉 方 方脈喉 方 唇口舌 呵欠 附 入方

兒科齒 入方 方脈齒 入方

卷七 方脈心脾病 方 胸脇病 方 六鬱 方 氣滯 跌撲損傷

入方 方脈肩背痛 方 腰痛 腎着 附 入方 腹痛 小總論 腹中諸痛

腹中水鳴 畏寒窄狹 小腹痛 入方 方脈足病 入方 痿證 入方

厥症 附麻木 入方 轉筋 方 共二十卷 訂十二本

馮氏錦囊秘錄雜症 卯部

馬氏錦囊秘錄雜症大小合參卷六

弄

乾元龍田

海鹽馬兆張楚瞻甫纂輯

門人王崇志慎初全較

孫大業功垂

頭痛頭風大小總論合參

經曰風氣循風府而上則爲腦風。新沐中風則爲首風。又曰頭痛耳鳴九竅不利腸胃之所生。總之頭爲諸陽之首以象天六腑清陽之氣五臟精華之血皆會於頭爲至清至高之處故爲天象謂之元首言其至尊不可犯也。凡手

之三陽從手走頭。足之三陽從足走足。以爲常度。則無頭痛之患。若外因風寒霧露之觸。內因痰火濕熱之熏。痛由起矣。至於眞頭痛者。其腦盡痛。而手足寒。且青至節。旦發夕死。夕發旦死。蓋四肢爲諸陽之本。痛盡腦而寒至節。則元陽虧敗。氣血虛極。陰邪直中髓海。於泥丸宮中。非藥所能愈。蓋其根先絕也。書又曰。腦爲髓海。受邪則死。灸百會穴。猛進大劑參附。亦有生者焉。

頭痛頭風。非二證也。在新久去留之分耳。淺而近者名頭痛。其痛卒然而至。易於解散。速安也。深而遠者名頭風。其

痛作止不常愈後遇觸復發也。手足三陽之脉皆上循於頭。爲諸陽之會。六陰脉至頸而還。惟厥陰上入吭。嚤連目系。出額。故當於七經辨之。屬痰者居多。然有風寒濕熱火痰及氣虛血虛食鬱瘡毒之別。皆能傷於脉道而爲病也。傷於太陽則在後。陽明在額。掖鼻與齒。少陽兩角。厥陰屬巔頂。而多吐涎。須尋風尋火。在氣在血。斷其虛實表裏而便得病情矣。

經之論頭痛風也。寒也。虛也。皆六氣相侵與真氣相薄。經氣逆上干於清道。不得運行壅遏而痛也。天氣六淫之邪。

人氣五賊之變皆能相害或蔽覆其清明或瘀塞其經絡
與氣相薄鬱而成熱脉滿而痛若邪氣稽留脉滿而氣血
亂則痛乃甚此實痛也寒濕所侵真氣虛弱雖不相薄成
熱然邪客於脉外則血泣脉寒捲縮緊急外引小絡而痛
得溫則止此虛痛也因風痛者抽掣惡風因熱痛者煩心
惡熱因濕痛者頭重而天陰轉甚因痰痛者昏重而欲吐
不休因寒痛者絀急而惡寒戰慄氣虛痛者惡勞動其脉
大血虛痛者善驚惕其脉乳頭痛自有多因古方必兼風
藥者以高巔之上惟風可到味之薄者陰中之陽自地升

天者也在風寒濕者固爲正用卽虛與熱者亦假引經且散其抑遏也若疎散太過而痛及服辛散而反甚者不妨用酸收以降之若年衰氣弱清氣不能上升而濁陰犯之以作痛者宜升陽補氣而自愈若血虛之頭痛必自眉尖後近髮際而上攻頭目宜用芎歸養血而自愈然新而暴者但名頭痛深而久者名爲頭風頭風必害眼者經所謂東風生於春病在肝目者肝之竅肝風動則邪害空竅且由精髓腦之不足而外邪易于以深入也厥頭痛者手三陽之脉受風寒而伏留不去上干於頭其

氣不循經隧而逆行故名曰厥

久頭痛病畧感風寒便發而至寒月重綿厚帕包裹者此屬鬱熱本熱而標寒世人不識率用辛溫解散之藥暫時得效誤認爲寒殊不知因其本有鬱熱毛竅常疎故風寒易入外寒束其內熱閉逆而爲痛辛熱之藥雖能開通閉逆散其標之寒邪然以熱濟熱病本益深惡寒愈甚矣惟當瀉火涼血爲主佐以辛溫散表之劑以從治法治之則病可愈而根可除也

頭痛多主於痰痛甚者火多蓋火性炎上其痛如劈有可

吐者有可下者東垣曰濕熱在頭而痛者當以苦吐之如
瓜蒂散濃茶之類是也痰厥頭痛非半夏不能除有屬於
風者有屬於寒者有屬於半寒爲偏頭痛者有屬於濕者
有屬於火鬱者有屬於外感有餘有屬於內傷不足傷食
傷酒種種症候皆能頭痛總由清陽不升濁陰上犯也

感冒頭痛宜防風羌活藁本白芷卽所謂新沐中風爲首
風風熱在上頭痛宜天麻蔓荊子台芎酒製黃芩肥

白人頭痛是氣虛宜黃耆酒洗生地南星形瘦蒼黑之
人頭痛是血虛宜當歸川芎酒黃芩之類太陽頭痛惡

馬氏綿囊公集雜症卷之六頭痛風大小總論

風寒脉浮緊其痛在巔頂與兩額角川芎羌活獨活麻黃
之類爲主爲衝頭痛少陽頭痛脉弦細往來寒熱其痛
連耳根柴胡黃芩爲主陽明頭痛自汗發熱惡寒脉浮
緩長實其痛連目眦鼻乾齒頰目疼升麻葛根石膏白芷
爲主太陰頭痛必有痰體重或腹痛或痰癖脉沉緩以
蒼朮半夏南星爲主少陰頭痛足寒氣逆爲寒厥其脉
沉細麻黃細辛附子湯主之厥陰頭項痛或吐痰沫厥
冷其脉浮緩以吳茱萸湯主之然太陰少陰有身熱而無
頭痛厥陰有頭痛而無身熱若身熱又頭痛屬陽經也

血虛頭痛、連魚尾相連者、當歸川芎爲主、以潤風燥、經所
謂頭痛耳鳴、九竅不利、腸胃之所生也。氣虛頭痛、人參
黃芪爲主、以升清陽、經所謂上氣不足、腦爲之不滿、頭爲
之苦傾是也。偏頭痛者、少陽相火也、有痰者多在左、屬
風、屬火、多血虛、宜薄荷、荆芥、川芎、當歸、在右、屬痰、屬熱、多
氣虛、宜蒼朮、半夏、酒芩爲主、若屬濕痰、川芎、南星、蒼朮主
之。氣血俱虛、頭痛、調中益氣湯內加川芎三分、蔓荊子
二分、細辛二分、其效如神。厥逆頭痛者、所犯大寒、內至
骨髓、髓者以腦爲主、腦逆故令頭痛、齒亦痛、以羌活、附子

湯主之。腎虛頭痛卽經所謂下虛上實由相火上冲氣逆上行痛不可忍用補中湯加芎歸或薑附理中湯。太陰頭痛必有痰也。少陰頭痛足寒而氣逆也。太陰少陰二經雖不上頭然痰與氣壅於膈中頭上氣不得暢而爲痛也。痰厥頭痛所感不一發時惡心嘔吐痰水甚則手足厥冷吐去痰涎其痛漸減雖由乎痰然痰之始也必有本。是知方者體也。法者用地。徒知體而不知用者弊若體用不失可謂上工矣。宜以白朮半夏天麻湯主之。痰厥頭痛非半夏不能除。眼黑頭旋風虛內作非天麻不能解。平

人頭痛屬火與痰者多。若肥人多是濕痰。二陳加蒼朮。瘦多是血虛。與火酒炒芩連。荆防薄荷芎歸之類。巔頂痛甚。加藁本酒炒。升柴東垣曰。頂巔痛須用藁本。去川芎。頭痛不可專泥風藥。愈虛其虛。使風入於腦。求不可拔。亦不可偏於逐火。使風火上乘空竅。而從眼出。如腐之風火相煽而成衣焉。諺云。醫得頭風瞎了眼。此之謂也。

總之頭痛頭風。皆因清陽之氣有虧。精華之血有損。不能交會衛護於首。以致濁陰外邪犯之。若從標疎散清理。不過徒取近功。然益虛其虛。旋踵愈甚。張每重用八味湯加

牛膝五味子食前早晚服之濁陰降真陰生雷火熄真火
藏上下肅清不惟頭病既痊精神亦可倍長矣

頭搖大小總論合參

頭搖者本屬於風實因於火經所謂諸風掉眩皆屬肝木
木得風則搖動乃肝經火盛而生虛風也故高年病後辛
苦人多犯之因氣血虛而火犯上鼓動也是以小兒有病
搖頭三年不止者以河車入常服藥中而愈
靈樞曰邪之所在皆爲不足故上氣不足腦爲之不滿耳
爲之苦鳴頭爲之苦傾目爲之眩中氣不足洩便爲之變

賜爲之苦鳴下氣不足則爲痿厥

眉眶骨痛大小總論合參

眉眶骨痛有二俱屬肝經風熱與痰或作風痰其治類痛
風然腦爲髓海而腎主骨多由腎陰不能養骨髓少以致
腦虛火起於中寒束於外疼之所始也凡高骨之處及眉
毛所生之地皆屬本臟之精氣榮養若其臟之精氣虧損
則其地之毫毛骨肉不榮矣故靈樞曰足太陽之上血氣
盛則美眉眉有毫毛由是觀之眉稜骨痛者此肝血既失
其養而腎水亦不榮於骨矣故主三年之內有大風疾至

明其根本既拔而外邪乘襲也治之者必宜滋補肝腎爲主少佐風藥以使上達如不知此徒以辛熱發散爲事則陰道愈虧益增其害矣

頭重大小總論合參

東垣曰頭重如山濕氣在頭也紅豆散搐鼻取之蓋病在頭腦若藥攻腸胃是誅伐無過矣故於鼻內取之猶物在高巔之上必用射而得之也

頸項痛

邪客三陽則痛寒搏則筋急風搏則筋弛左屬血右多屬

痰丹溪治一人項強痛甚不可以開頤作痰客太陽經治
之用二陳湯加酒芩羌活紅花服二劑而愈有挫閃及失
枕而項強痛者皆由腎虛不能榮筋也六味地黃湯加秦
芫

菊花散 治風熱上攻頭痛不止

甘菊花 石膏 防風 旋覆花 枳殼

蔓荊子 甘草 羌活 各一錢 薑水煎服

五分

紅豆散 治頭重

羌活 連翹 紅豆 三味等分爲末搐鼻

頭痛膏

川芎

白芷

防風

藁本

細辛

當歸

不拘偏正

山前芽茶

各等分

水煎服

家乳香

不臥散

治頭痛不可忍者

沒藥

玄胡索

七枚

青黛

二錢

猪牙皂角

肥實者刮去皮及子二兩

射干

為末水丸小餅子如杏仁大用時令病者仰臥以水化

搗石膏貼之

開竹管送入男左女右鼻中覺藥味至喉少酸令病者

心溫拘攣

坐却咬定銅錢一箇於當門齒上當見涎出成盆即愈

年久仁術

芎歸湯

治着濕頭痛身重眩暈痛極